

410/25 -
427/25

5089.

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA

Služba za socijalnu zaštitu, stambene poslove i društvene djelatnosti
Trg BiH 6 - 72 000 Zenica

Broj: 07-11-10590/25
Zenica: 23.05.2025. godine

- 12 -
6.

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU „Gradska biblioteka Zenica“ za 2024. godinu; dostavlja se;

Biblioteka je osnovana 1954. godine Rješenjem Narodnog odbora grada Zenice, broj: 782/54, od 15.01.1954. godine. Biblioteka je 01.10.2001. godine, na osnovu Zaključka Načelnika Općine Zenica, broj: 02-40-18766/01 promijenila naziv u Opća biblioteka u Zenici.

Promjena naziva ustanove u Gradska biblioteka Zenica, kako bi novi naziv ustanove bio usklađen sa promijenjenim statusom i nazivom Osnivača, upisana je kod Općinskog suda Zenica, Rješenje broj: 043-0-Reg-18-000386, od 12.06.2018. godine.

Gradska biblioteka Zenica je javna ustanova u državnoj svojini sa svojstvom pravnog lica, sa potpunom odgovornošću. Sjedište ustanove je u Zenici, ulica Školska broj 6.

Osnovna djelatnost Biblioteke je u skladu sa Odlukom o standardnoj klasifikaciji djelatnosti, i to: djelatnost biblioteka i arhiva. Osim osnovne djelatnosti Biblioteka je registrovana da može u manjem obimu, a u skladu sa potrebama, obavljati i sljedeće djelatnosti: izdavanje knjiga, izdavanje časopisa i ostalih periodičnih publikacija, ostala izdavačka djelatnost, djelatnost prikazivanja filmova i trgovina na malo proizvodima za kulturu.

Biblioteka je od 1997. godine punopravna članica Kooperativnog online bibliografskog sistema COBISS.

Biblioteka je svoju djelatnost obavljala u šest gradskih odjeljenja:

1. Centralnom odjeljenju, u sklopu kojeg su osim uprave smješteni: *Američki kutak, Zbirka beletristike, Zbirka stručne i priručne literature, Zbirka knjiga za slijepa i slabovidna lica, Zavičajna zbirka, Čitaonica sa 80 mjesta.*
2. Dječijem odjeljenju
3. Odjeljenju Sarajevska za djecu i odrasle
4. Odjeljenju Crkvice za djecu i odrasle
5. Odjeljenju Radakovo za djecu i odrasle
6. Odjeljenju Dječija čitaonica

Za smještaj zbirke *Obaveznog primjerka* prvog izdanja bosanskohercegovačke produkcije, koju Biblioteka redovno preuzima od NUBBiH Sarajevo i koja broji više od 20000 bibliotečkih jedinica, i dalje privremeno koriste prostore u BNP Zenica i CZ u Gradskom skloništu jer ne posjeduju vlastiti arhivski prostor.

Osnovna uloga i zadaci Biblioteke kao javne ustanove utvrđeni su u Zakonu o ustanovama, Zakonu o bibliotечноj djelatnosti i Pravilima Gradske biblioteke Zenica.

Redovne poslove i planirane zadatke Biblioteka je obavljala preko svojih službi. Međubibliotечkom pozajmicom građe od drugih biblioteka omogućeno je za studente, istraživače, magistrante i doktorante, kao pomoć u njihovom istraživačkom radu, da dođu do građe koju Biblioteka nema u svom vlastitom fondu. Rea izovano je 18 zahtjeva korisnika a 11 zahtjeva za pozajmicom primljeno je od drugih biblioteka.

Cijene godišnjih članarina za upis korisnika u Centralnom odjeljenju i Čitaonici iznosila je 15 KM, objedinjena za Čitaonicu i Centralno odjeljenje 20 KM, a u ostalim odjeljenjima po 10 KM. Povlastice pri upisu imala su nezaposlena lica i penzioneri, a povoljnosti su date za porodično i kolektivno učlanjenje. Korisnicima Američkog kutka, Dječije čitaonice, radnicima ustanova kulture, medijskih kuća i volonterima Biblioteke usluge učlanjenja nisu naplaćivane. Prema evidenciji Službe za rad s korisnicima bibliotечke građe i Zavičajne zbirke, aktivnih korisnika u 2024. godini bilo je **3306**, dok je prema podacima iz COBISS/Pozajmice o broju članova biblioteke i korišćenju usluga ukupan broj svih registrovanih članova Biblioteke bio **15.040**. Broj korisnika je nešto manji u odnosu na prethodnu godinu a razlozi za smanjenje su interesovanja za čitanje zbog tehnološkog napretka i korištenja digitalnih medija, smanjenje broja stanovnika grada, povećanog mortaliteta, pada životnog standarda i izostanka kampanje besplatnog upisa najmlađih korisnika. Struktura korisnika usluga: osnovnoškolci i predškolski uzrast, srednjoškolci, studenti, zaposleni, penzioneri, nezaposleni i ostali. Posmatrano po polnoj strukturi, jedna trećina korisnika je muškog, a dvije trećine ženskog spola.

Fondacija za bibliotечku djelatnost Sarajevo u toku 2024. godine novčano je nagradila četiri korisnika koja su prema evidenciji preuzetoj iz COBISS baze podataka/pozajmica, imala najveći broj pročitanih knjiga u prethodnoj godini.

Biblioteka je toku godine stručno obradila **1.519** primjeraka novih bibliotечkih jedinica.

Ove godine kupovina knjižne građe finansirana je iz sredstava koja je za obavljanje djelatnosti dostavio Osnivač Biblioteke i ukupno je utrošeno **10.251** KM. Realizacija projekta "*Nabavka knjiga po izboru čitalaca 2024. godine*", koji se finansira iz Fondacija za bibliotечku djelatnost Sarajevo, bit će okončana početkom oktobra tekuće godine.

Fondacija za bibliotечku djelatnost je izvršila i otkup BH izdanja za Biblioteku koja će dostaviti početkom 2025. godine. Početkom 2024. godine okončana su dva izdavačka projekta Biblioteke koje je u protekloj, 2023. godini sa 2.000,00 KM podržala Fondacija za izdavaštvo Sarajevo.

U izvještajnog perioda realizovano je 21 promocija knjige i jednog časopisa, održane četiri književne večeri, tri izložbe, jedan kviz, šest kurseva, pet predavanja, jedan seminar, jedan okrugli sto, dva naučna razgovora, tri prezentacije, brojne radionice i aktivnosti za djecu, održano 16 školskih časova u biblioteci (učenici gradskih osnovnih škola). U toku obilježavanja 27. MKM „*Zeničko proljeće*“ održana su četiri programa. Tradicionalno je organizovano 18 po redu „*Ljeto u biblioteci*“ te programi manifestacije „*Mjesec knjige*“.

Aktivnosti u Američkom kutku odvijale su se u skladu sa planom rada Kutka koji su odobrili predstavnici OPA USA i raspoloživim sredstvima doznačenim za tu namjenu.

Iz Godišnjeg finansijskog izvještaja vidljivo je da je Biblioteka u 2024. godini poslovala pozitivno. Ukupni prihodi iznosili su: **729.758,00** KM dok su ukupni rashodi iznosili: **702.196,87** KM. Višak prihoda nad rashodima iznosio je : **27.561,13** KM. Višak sredstava planiran je za razvojne aktivnosti.

Struktura zaposlenih je bila sljedeća: 12 sa VSS (od kojih je 4 diplomirana bibliotekara i 4 magistra bibliotekarstva), 6 sa SSS i 3 NK radnika. Većina radnika je ženskog spola, njih 18. Prosječna starost zaposlenih je 52 godina.

Ustanova je ostvarila međunarodnu saradnju prisustvovanjem i obilježavanjem 27. festivala "YAFEM" u Yalova, Republika Turska, obilježavanjem 4. jula u Ambasadi USA, prisustvovanjem na konferenciji COBISS 2024. godine koja je održana od 22 do 24. oktobra u Mariboru, Slovenija, prisustvom na trodnevnim radionicama „American Spaces DEIA za srednju i južnu centralnu Evropu“ u Skoplju, Makedonija.

Upravni odbor Gradske biblioteke Zenica imenovan je Rješenjem Gradonačelnika Grada Zenica broj: 02-45-10949/21 od 07.06.2021. godine. U poslovnoj 2024. godini Upravni odbor održao je pet redovnih sjednica. Rad direktora Gradske biblioteke Zenica u 2024. godini je bio zadovoljavajući i ocjenjuje se pozitivnom ocjenom.

Biblioteka nema zakonsku obavezu da uz ovaj Izvještaj dostavi Izvještaj ovlaštenog internog revizora jer je većinski finansijer Biblioteke Zeničko-dobojski kanton pa finansijsko poslovanje Biblioteke, kao i svih drugih budžetskih korisnika koji su na tzv. transferu, redovno prati resorna služba Kantonalnog ministarstva za finansije ZDK. Biblioteka tromjesečno nadležnom Ministarstvu Kantona dostavlja izvještaj o utrošku namjenskih sredstava kao i svim provedenim aktivnostima.

JU „Gradska biblioteka Zenica“ ostvarila je dobru saradnju sa Službom za socijalnu zaštitu, stambene poslove i društvene djelatnosti u toku 2024. godine.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Gradska biblioteka Zenica“ za 2024. godinu na razmatranje.

PRILOG:

1. Izvještaj o radu JU " Gradska biblioteka Zenica " za 2024.godinu;
2. Odluku o usvajanju Izvještaja o radu Gradske biblioteke Zenica za 2024.godinu;
3. Račun prihoda i rashoda sa bilansom stanja JU „Gradska biblioteka Zenica“ za 2024. godinu;
4. Odluku o usvajanju završnog računa Gradske biblioteke Zenica za 2024.godinu;
5. Izvještaj o novčanim tokovima za 2024.godinu;
6. Godišnji izvještaj o investicijama za 2024.godinu;
7. Izvještaj o kapitalnim izdacima i finansiranju;
8. Posebni podaci o plaćama i broju zaposlenih;
9. Izvještaj o obračunatom i uplaćenom posebnom porezu/naknadi za zaštitu od prirodnih i drugih nesreća;

DOSTAVLJENO:

- 1 x Naslov
- 1 x a/a

